

道德真經序

覆四

太上道德上下篇凡五千餘言內而葆鍊存養之道外而修齊治平之事無不備焉此所謂內聖外王之學也史氏列之申韓間世因稱之黃老刑名則與道家者流之所謂大殊不能無病焉蓋周衰王道浸微其垂世拯俗之意寓焉而非一本諸自脩也而曹叅蓋公以清靜無為有驗於治其用之去經世之理不遠矣矧出世之教由是而大者焉或不求其端緒之與一繫譬以為虛無恠誕之說是豈真知道者哉古今註疏凡百餘家各持其見而必以辭理該貫者為善苟理塞義晦辭雖工無取焉盱江道紀危大有端謹有志行間探索諸家擇其尤善者類編成集將募工鉅梓以傳其志亦勤矣使善味之者求之言外踐之身心則葆鍊存養之道內充而修齊治平之事亦外著矣道豈二哉因其請遂冒書于篇首歲昭陽作臘仲冬晦日嗣四十三代天師三洞弟子張宇初謹序

太上道德經乃吾道經之祖也以無為自然

為體以謙退慈儉為用以致修齊治平之道靡不具焉葛玄真人曰五千文實道德之源大無不包細無不入天人自然之經倪文節公曰老子五千文誠修身治國之要道濟時救世之良劑也由此而觀非特道經之祖也

三教諸經亦豈外此而別有其理哉當今

聖明在位特加崇尚復設道司以掌其教後

之學者必諳通經義然後授以度牒柰何世

俗凋弊讀亦未知況其義手大有嘗於祝

釐之暇將諸家註釋校之或異或同有得有

失學者於此不能無惑於是將河上公及何

心山等十餘家註解取其訓釋詳明理長意

同而不牽強者集成一部上下二卷名曰道

德經集義欲俾後之學者知一定之論而無

異同之感也若夫因義以明經因經以造道

而樂乎無為之業者豈無其人焉時洪武丁

卯盱江道紀危大有焚香謹書

集義姓氏

河上公河上丈人也

何氏名心山字處尹

呂氏名知

李氏名道純號清庵

劉氏名師立號

林氏名希逸號為齋

董氏思靜

柴氏元厚字知白

倪氏名思業

蘇氏名權字子田

晁氏迎

吳氏名演號